

象今日之長劍高提倚崆峒而說法者卽從大道得來位登無上三丰仙師也

後三教大聖靈通真經

後指丹成之後此三教義取同歸大聖卽大道靈通則變化無方真經者真聖也

一陽何祖開經偈

修經圓滿普度良緣香凝寶篆地湧金蓮大儒大佛大羅仙跨鳳登天又見三尊聖象巖

真經修圓滿是指大道已成也惟當普度良緣位證至無上耳此篇立意卽如此偈

道藏輯要

二丰全集

靈通真經

三

續畢集上

洞玄真人張玄玄懷抱真經與世宣於今又說三聖篇三篇九聖九陽全梓潼文帝七曲巔達摩初祖一莖蓮孚佑獨撐大願船派開南北道無邊三聖靈通普八埏修身苦行曾經年孝友仁慈功德完廣行三教心奉慈過江面壁志向堅道包三教神閑閑終南十試屹如山大哉三教公能肩人見無爲樂自然誰知有作在其先

祖師抱真常之道重與世宣又作第三篇以全九陽之數喻九還之成就也三位聖人皆證大道然皆自苦行修來悟真曰始於有作無人見及至無爲衆始知正此意也無爲喻面壁之事若云神通顯化則是聖人之慈悲却有爲於世也

三聖慈悲滿塵寰化蹟無方難縷談十七世爲卿相班陰隲文中常有言萬古宏恩堪詠歎音談福星朗照徹微垣東西土說大乘禪少林寺上豈無緣六朝衲子正紛然非師誰與挽狂瀾佩劍遨游遍海天英雄男女授眞詮奇名約姓題山川九州婦孺皆聞焉

此段言三聖之分胎出神靈通顯化蓋望後之成眞者亦如三聖慈悲訓俗化人黜邪扶正朝遊北岳暮宿蒼梧普度良緣也

今我宣揚志士前功異須如三聖圓成聖成佛與成仙善心善量宜廣寬若無德行培本元動有羣魔作障纏道成混跡隱煙

道藏輯要

三丰全集

靈通眞經

三

續畢集十

寰仙階他日乃高遷

此段勉後人上希三聖敦崇功果廣修德行而後能成大道也

三聖之心如醴泉沛澤長流濟後賢向使清河忘人間何必現身爲宰官向使多那隱涅槃何來五葉下西乾向使回翁永隔凡誰度何王與劉韓三聖之心最纏綿後塵誰步許誰聯

此段卽三聖之功德而反言之若使三聖道成全無顯露安有若大慈悲若大法派哉誰步後塵雖似祖師自喻亦以勉勵後學

今我敷辭不憚煩望人精進窺瑤函交祖眞經闡妙鸞註參大

洞包靈丹達祖真經見詩緘珍藏腹內養泥丸

達摩祖有詩句云腹內運真經

泥丸別

呂祖真經極大觀詩詞歌論韻珊珊萬人皆度萬人歡

魏魏寶駕駐雲端

此段言三聖著述皆以上品丹道為主文昌帝君本以儒而參明大洞得成神聖者也聖賢何嘗不學仙道耶達摩祖師亦以佛教似煉金丹得成神僧者也是真佛釋何嘗不求仙道耶而呂祖則不待言也萬人皆度三聖婆心不已見三教之同源哉

我願羣生頂禮虔每逢吉誕焚旃植花水果燈潔且鮮塵埃淨掃豁松關默誦真經見聖顏一輪海日上三竿萬里朱霞照大道藏輯要

三丰全集

靈通真經

三

續畢集十

千恍如聾啞捧華鬘宛如飛錫半空旋又見紅雲起碧藍笑迎黃鶴舞翻翻天神天將搖雷鞭三聖凌風入紫煙

此段即三聖之法象靈通喻出神之妙用吉誕比脫胎之時松關比上丹田塵埃脫盡方是還虛見聖顏喻見己身法象也日昇霞照喻神光也三聖之法駕即比今日之法駕也神將雷鞭所謂天丁迎衛霹靂一聲天外天也

莫道凡沙難求攀至今訓豈如邱蠻莫言隻履遺市鄺至今蓬髮尚迴還莫謂棲真止涵三至今常降嶽雲壇

此段言三聖之靈通不但當日道成顯化人間即今教訓人寰其神德猶未已也頌曰性量圓滿法周沙界萬緣雖息一

真自在見種種相及萬萬代引導羣迷真修不壞
於戲三聖澤咸沾願人凜凜對莊嚴爲演真經作疏箋不須問
卦與祈籤只須積德養清廉自有神麻疊次覃文昌筆錄皆誣
傳胡僧棒偈那須參靈寶畢法休研鑽真經妙諦挾鍼砭瑤臺
說法掀美髯

此段言沾三聖之澤者必體三聖之真道祖師真經卽當修
行之士一逼洪願疏文但願積德養廉修成大道不須打卦
求籤也道成之後神麻疊賜有如天符累詔他如妄學筆錄
求文帝開悟聰明妄談棒偈謂佛法原來如是修持靈寶只
圖却病延年者皆非三聖之真傳也祖師作三篇大經標明
道藏輯要

三丰全集

靈通真經

一

續畢集十

大道正可爲世人鍼砭古仙云爲甚此心開大道只因原向
道中來祖師慈悲之心不又與三聖相同哉師髯最美當年
遨遊雲貴人皆呼爲美髯張公登臺說法如見掀髯微笑也